

27.08.2014.

“Ovi ljudi su pokazali da znaju raditi, samo im treba pružiti podršku”



Nakon sastanka u Vladi Bosansko-podrinjskog kantona Goražde, premijer Federacije BiH Nermin Nikšić u pratnji svojih domaćina posjetio je goraždanske privredne subjekte koje ostvaruju izvanredne rezultate, posebno u izvoznoj industriji te ovom području polako vraćaju epitet regionalnog lidera.

Nikšić se u industrijskoj zoni „Pobjeda“ sastao sa direktorima firmi „Pobjeda Rudet“, „Pobjeda technology“, Unis „Ginex“ i „Tvornica alata“ Hasanom Đozo, Hasanom Tafrom, Sadikom Korjeničem i Enisom Bunjo, koji su ga upoznali sa razvojem ovih kompanija i problemima s kojima se susreću.

” Na svu sreću, puno više je onih pozitivnih stvari nego problema. Ti problemi s kojim se suočavaju su već sistemski, na neki način riješeni. Najveći problem je dugovanje koje imaju rudnici prema „Pobjedi Rudet“ i to ćemo pokušati da riješimo. S druge strane, problem Tvornice alata su dugovi prema zdravstvenom osiguranju. O tome je već Vlada vodila računa i donijela zakon koji predviđa mogućnost rješavanja tih obaveza. Dogovorili smo se i oko posredovanja kada su u pitanju kamate i indirektni porezi, tako da će se to riješiti- kazao je federalni premijer istakavši da je ovdje riječ o kompanijama za koje je teško reći koja je od koje bolja.

